

INUIT ATAQATIGIIT INATSISARTUNI



UPA2026/115

6. maj 2026

Mimi Karlsen

Kalaallit Nunaannut aammalu Kalaallit Nunaanniit timmisartuussinerni imermik Kalaallit Nunaanni imeqarneqartumik sassaalliuteqartoqartalernissaa sulissutigineqassasoq, ilanngullugu attuumassuteqartunik suleqateqarnikkut soorlu timmisartuutileqatigiiffiit aammalu Visit Greenland Naalakkersuisut peqquneqarnissaannik Inatsisartut aalajangiiffisassaattut siunnersuut.

(Inatsisartuni ilaasortaq Lars Poulsen, Siumut)

Inuit Ataqatiginni pingaartitaraarput nunap pissarititaanik atorluanaanissarput. Nerisassaappata, imigassaappata pingaartipparput nunatsinni nammineq pigeriikkatta atorneqarnissaat. Nunatta pissarititaanik atorluassagutta pingaaruteqarpoq nunatta minguitsuunissaanik aamma pingaartitsinissarput, sunaluunniimmi imerluguluunniit nerissagutsigu minguitsuunissaa pingaartipparput.

Oqartarpugummi: kinguaagut puunnarlutik kuunnguanit imersinnaasariaqarput.

Puunnarlutik paarnanik pukussinnaasariaqarput aammalu nunap immallu uumasuinik nerisinnaasariaqarlutik.

Taama oqaaseqareerluta siunnersuuteqartup siunnersuutaa tunngaviatigut paasilluarparput; taamammi oqarmat: nunatta pissarititaanik imermik atuilluarta. Takorlooruminarpormi timmisartoraanni erngup imikkatta Kalaallit tunisassiaattut allaqqappat qanoq tulluunaartiginissaa.

Siunnersuuteqartup isumaa paasilluarlugu tapersernartillugulu taamaattoq assigiinngitsut aamma qiviallattaasariaarpagut.

Air Greenland, timmisartuutitta piumaffigineqarsinnaanera eqqarsaatigilluagassaavoq. Akimmi appasinnerpaat toqqarusuppatigit namminneq pisiffissaminnik periarfissaannik mattussinaveersaarnissarput mianersuutassaavoq.

Nunatsinniit timmisartuussisartut allat ilumut aamma sumit pisinissaannik naalakkersinnaanerigit qulakkiigassaavoq.

Siunnersuut tapersersornartoq arlalinnik qulakkiigassartaqarmat ataatsimiitsitaliamut susasaqartumut ingerlatipparput.

Taama oqaaseqarluta siunnersuummut qujavugut.